



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1860**

CCLVII. Die Plötze zu Blankenfelde verpfänden einem Vicar zu Soldin und  
Königsberg Hebungen aus Wardenberg, am 7. Mai 1444.

---

---

**Nutzungsbedingungen**

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCLVII. Die Blöge zu Blankenfelde verpfänden einem Vicar zu Soldin und Königsberg  
Gebungen aus Wardenberg, am 7. Mai 1444.

Vor allen Cristen luden, dar desse Briff vorkummet, Bekenne wy hans, domes vnde Bernd, genumet dy plotze, thu wardenberg wonastich, met vnser rechten eruen, dat wy hebben vorkost vnde vorkopen met macht desser briues deme Erwerdigen herren, her Jacob vurman, vycario thum Soldin vnde deme vicario in vnsern liuen vrowen besloten capelle to Koningesberg redelikes vnde rechtis kopes thu eynem wedderkope negen mark vinkenogen penninghe wonliker ganggeue munte in der Nyenmarke jarliker renthe in vnserm redesten gude, dat wy hebben in deme vorbenumeden dorpe wardenberg, dat sie, wor an dat sie, nictes nicht vtgenomen, vor negentich mark der vorseuen munthe, die he vns gutliken an reden penninghin wol thu danke betalet heft. Die negen mark renthe iarlike schole wy vnde willin met vnser eruen deme vorseuen her Jacob vurman edder deme vicario in der vorseuen capelle to Koningesberg alle jar suluen vmanen vnde gutliken vppe sunthe mertens dach met reden penninghen thum Soldin edder to Koningesberg betalen sunder jengerleye hulperede, nyevunde geystlikes edder werlikes rechtis: vnde est vnse here dy vogbet van der Nienmarke Em edder synen nakomelinghe derfulues to Koningesberg die negen mark nicht lyen wolde, So wil wy vnde vnse eruen dat nicht thu hulperede hebbin, men wy vnde vnse eruen willen dat in gantzen trauen alze holden, alze vor vnde na screuen is, in allen artikeln vnde stucken. Vnde wen wy edder vnse eruen den wedderkop dun willen, So schole wy edder vnse eruen vnde willen den vorseuen her jacob vurman edder deme vicario der vorseuen capellen to Koningesberg eyn half iar vor sunthe mertens daghe williken dun vnde em denne edder syne nakomelinghe an dessen vorseuen stucken wol vornughen. Ok loue wy met vnser eruen die negen mark renthe vnde negentich mark hoststules an reden penninghen guder munthe in der nien marke siedt in aller wyfz alze vorseuen is butalen vnde dat vorseuen gud wardenberg vnde wat wy dar ynne hebben nicht vorkopen, wy hebben em denne edder synen nakomelinghen renthe vnde hoststul vol vornughet. Ok est dy munthe gewandelt worde, also dat nye munthe in dy land queme, So wil wy vnde scholen vnde vnse eruen deme vorbenumeden hern jacob vurman edder deme vicario der vorseuen capellen eyne reddelike waringhe dun, alze vrome lude an beyden deylen derkennen konen, dat is genuch sy, vnde este desse vnser nascreuen borgen welk edder wat vnrad an dessen briff worde, So wil wy edder vnse eruen, wen wy dar thu geeyfcheth werden van em edder synen nakomelinghe, bynnen vier weken in andern in des doden stede setten vnde den briff vornyen zo vake des behuff is. Weret, dat dy vorseuen her jacob vurman edder syn nakomelingh dar jenighen schaden vmme deden, nemen edder leden, he were god este kleyne, de bewyslik were to cristen este to ioden in briff gelde, theringhe, edder welkerleye schade id were, den loue wy vnde vnse eruen gentzliken vt thurichtende vnde wedder to leggende em edder synem nakomelinghe sunder jengherleye hulperede, inval vnde argelist. Gescheget ok, dat hans, domes vnde bernd plotze vorbenumeth edder ere eruen hostlude desse vorseuen stucken nicht en hilden, alle edder welk dar van vnde dar an broksam worde, So loue wy borgen nascreuen, alze henningk Swartenholt to Neddorp, Sander zak to blankenfelde vnde ffrentze werbelow to wyfthok met eyner samender hanth alle desse vorseuen stucken stede vaste vnde stedekliken tho holdede sunder jengerley vortoch, inval vnde hulperede geystlikes vnde werlt-

likes rechtes. Des tho mer bekentnisse hebbe wy hoflode vnde borgen vnse ingefegile med guden willen vnde witschap heytin vnde laten hengen an dissen briff, die gegeuen is thum Soldin, na cristi gebort dusent vierhundert vnde vier vnde virtichsten jare, an deme donredaghe na sunthe Johans daghe tho den porten.

Nach dem Originale des Königsberger Stadtarchives No. 213.

CCLVIII. Der Landvogt Jürgen von Egloffstein verpfändet eine jährliche Hebung aus der Urbede zu Königsberg an Hans Langen in Berlin, am 25. Januar 1445.

Wy Jurgen vom Egloffstein, bruder dutschis ordens, voged der Nienmarke, Don kunt vnde apenbar bekennen vor al de Jenen, dar disse vnse briff vorkumt vnde sunderliken vor den vorsichtighen vnser leuen getruwen Borgermeistern vnde Radmannen to konigesberge, dat mit vns heft gekofft de vorsichtige vnse befundere gude frund Otte lange, to frankenfort wanastich, syne elike huffrowe anne vnde Otte lange rechte eruen, vir vnde twyntich rynsche gulden edder so vele der werynge an haleme berlinschen gelde an vnser Orbare to konigesberge Jerliker tyne vp sunte mertens dach des hilghen bischoppes to vallende, de vns vnse leuen getruwen Borgermeister unde Radmanne to konigesberge Jerliken vp de tyd vorgenant an der antal pleghen thu gheuen. Dar vor vns de vorgenante Otte lange, syne elike huffrowe anne vnde syne rechten eruen thu guder genüge dryhundert rynsche gulden vthgerichtet vnde wol betalt hebben, de wy vort In vnse vnde vnser ordens land nut vnde behuff gekeret hebben, An de suluen vir vnde twyntich rynsche gulden edder so vele der werynge an berlinschem gelde vth vnser orbate to konigesberge Jerliken vp sunte Mertens dach thu vallende wyse wy den vorgenanten otte lange, syne elike huffrowe anne vnde otte langens rechte eruen mit Crafft vnde maght disses vnser breues, de se Jerliken vp sunte mertens dach vth vnser orbate to konigesberge heuen vnde boren scholen frey vnde fredeliken ane alle Inual edder weddersprake vor vns vnde al vnse nakamelinghe, vnde seggen den vorgnanten vnser leuen getruwen Radmannen to konigesberge der vir vnde twyntich Rynsche gulden edder der werynghe so vele an berlinschem gelde Jerliken vp sunte mertens dach quit, leddich vnde los vor vns vnde vnse nakamen, bet so lange wy edder vnse nakamelynge de vir unde twyntich gulden Jerliker renthe wedder losen. Wen wy edder vnse nakamelinghe de vir vnde twintich gulden Jerliker renthe van Otte langén, syner huffrowen annen edder synen rechten eruen wedder gelofet hebben, So scholen vns edder vnser nakamelinghen vnse leue getruwe Radmanne to konigesberge de vir vnde twyntich gulden Jerliken vp sunte mertens dach wedder gheuen, als se vor gedan hebben, vnde desles breues ane alle weddersprake affreden. Hie ouer synt geweset de erbar vnse leuen getruwen Roloff wite to glasow, Jacob strusz to wolterstorp, otte van der marwitze to Nienfantoeh, Buffe sidow to forstenfelde, olde vnde Junge clawes van der marwitze to berenfelde, her hans van kokeritz vnser kumpan vnde vele mer louenwerdige. To orkunt vnde mer sekerheit hebbe wy voged der Nienmarcke voruthgespraken vnde wy vorgescreuenen, als Otte van der marwitz vnde buffe sidow vnse Ingelegele vor vns vnde vnse nakamelinghe an dissen briff laten